


Te Kamupani CIC Limited

20/21 Pati'anga no tetai raitini ranga minera takere moana

Akako'u'anga poto ki te katoatoa, tataanga 1

Tuanga o te patianga	
Reinga no te au angaanga te ka raveia.	Rangaanga
Ingoa tangata/kamupani	CIC Limited
Ingoa Metua o te Kamupani	CIC LLC
Oire e te Ipukarea no reira mai.	Punanga Angaanga, Rarotonga, Kuki Airani (Au Mema o te Taokotai'anga mei Florida, USA e Rotterdam, Netherlands)
Te au angaanga tei raveia.	Tangata tuku pati'anga CIC Taokotaianga, tona au Kopapa akatere, au tangata kite pakari e pera Kopapa Akarama oonu mei te au tangata kite pakari e te karape i roto i te tuanga no te moana, apii'anga ao rangi, au natura moana e pera akarakara anga takere moana oonu tei tere atu i te rua ngauru mataiti i te rave'anga i teia au angaanga nei. No runga i te au mema Kopapa akatere o Boskalis e Odyssey, kua rongonui teia au kamupani nei i te rave i tetai o te au akarakara anga ngatā o teiane ai ao i raro i te takere moana oonu e pera au angaanga kimikimi i te au toka moana tei akataka ia i roto i te CIC 2020 Pati'anga no tetai Raitini Akarakara'anga.
Tuanga ngai e patia nei	
Katoatoa o te ngai e te numero porōka e patia nei	211,545 km ² 2,592 porōka
Te tuatau o te Raitini tei patia.	5 mataiti

Te Māpu o te tuanga e Kimikimiia nei.



1. Parani no te Kimikimianga

Ko te Porokaramu Akarakara a te CIC ka rave atu te reira i te angaanga kimikimi no runga i te au toka kerekere me kore natura tuketuke i raro i te takere moana i roto i te Tuanga Tai Moana Ra'ui o te Kuki Airani (EEZ). Ka riro teia au koikoi anga tuatua me kore numero i te akatupu atu i tetai akapapa'anga no te au meitaki natura puapinga, tetai Akapapa'anga no te Ao Natura Moana (EIA), e pera tetai akakite anga meitaki ka rauka mai no te pae akapuapinga. I te ngai ka anoano ia, ka ta'angaanga atu matou i te au takainga ta'angaanga a te Kopapa o te Takere Moana o Teianeia ao (ISA) no te akamata'anga i te apii e pera te akatupu'anga i tetai EIA.

Ko te akakoro'anga maata o te Porokaramu Akarakara a te CIC koia oki:

- **I'o e te Māpu i te Tuanga ka Raitini ia:** Na teia e oronga mai i te "tūtū" o te ngai i mua ake ka akamata ei tetai au angaanga i te rave ia.
- **Akamata anga Apii no te Ao Moana:** Ka riro te akarakara anga i te akakite mai kia tatou no runga i te au manu e te au rakau e noo ra i roto i te tai e i runga i te takere moana i roto i te tai moana EEZ.
- **Koi anga mai i tetai au Toka tei Akataka ia ei Akara'anga:** Ka riro te koi anga o tetai au toka natura moana e pera te one mei roto mai i te au ngai koropini ake ei akara'anga kia rauka te marama ia tatou no te au mea natura i roto i reira, te au apinga ora e koropini ra ia ratou, e ka akapeea e rauka mai ei te au auri i te maani mei roto mai ia ratou na roto i te ravenga tau e te ki te ao moana no te tuatau roa.
- **Akara'anga e te Akono'anga i te Ao Moana:** Ka riro te kimikimi anga i te tauturu mai i te iki anga i te parani meitaki tikai no te akono'anga e te akara'anga i te au porokaramu koi anga i te toka moana me ariki ia ake te reira e te Kuki Airani.
- **Oronga anga i te Marama:** Ko te au tuatua e pera te au numero i koikoi ia mai ka oronga iatu te reira ki te iti tangata Kuki Airani e pera katoa tetai atu au putuputu anga ke i roto i teia tuanga nei ei akamaata i to ratou marama no runga i ta ratou toka moana puapinga e pera te au mea katoa e koropini ake i te ao moana i raro i te takere moana.

I te tuatau Rima-mataiti no te Raitini Akarakara

- Ka rave atu matou e manganui te au teretere anga kimikimi, akamata mei te 90 ki te 120 au ra i muri ake i te oronga anga ia mai te raitini.
- Ka ta'angaanga atu te CIC e rua pai no te angaanga kimikimi e ka riro oki i te apai atu i te au tangata kite e pera te au matoro kite katoa no te rave atu e manganui te au kimikimi anga tuketuke na roto i te ta'angaanga atu i te au apinga kite pakari no te angaanga o te pae moana oonu o teiane ai.
- Ka apai katoa iatu te au matoro Kuki Airani, te au tangata tereni, e pera te au tangata Kuki Airani akarakara na runga i teia au pai o te CIC.
- Ko tetai pai e 70m – 80m ka teretere atu aia e rima taime no tetai tuatau e 30 ki te 40 ra i te tuatau tei raitini ia.
- Ko tetai pai e 40m ka ta'angaanga putuputu ia te reira e ka noo te reira ki roto nei i te Kuki Airani.

Tetai o te au Apinga no te Angaanga Kimikimi

A. Te Pai-Noo mou no te angaanga rekoti i te oonu, te au turanga o te takere moana, e pera te akanoonoo anga.

B. Te Matini Ta-angaanga iaia uorai no te tamata e pera nenei i te au toka moana, te au ota e pera te au mea ora i raro ite moana.

C. Te au Matini Angaanga i raro i te Moana no te nenei anga, tamata anga e te i'oi ite takere moana.

D. Te Kiri tukutuku no te Tamatamata anga i te vai no te au turanga o te reira e te turanga o tea o moana natura.

E. Te Pi'a Vairanga no te vairanga i te au toka moana ei kimikimi e te paunu i to ratou puapinga.

F. Vairanga no te kakapu i te one ei tamata i te ota e te toka moana.

G. Te au Toka moana Tuketuke e vai ra kare e pipiri ana ki te taua o te moana.

2. Porokaramu Akatereanga i te taporoporoanga aorangi

Ko te au Akakoro'anga Tikai o te Kimikimi I te tuanga Taporoporo o te ao moana i teia tuatau nei ko te:

1. Akatupu anga i tetai tango ao moana no te ngai ka ta angaanga ia na roto i te rave anga i tetai kimikimi anga no te:
 - a. Akataka e te rekoti i te au rakau e pera te au manu katoatoa i roto i te au tuanga e maata uatu rai te toka puapinga moana.
 - b. Marama tikai i te tupu anga e pera te piri anga o te au tu manu ora tuketuke i runga i te takere o te moana.
 - c. Oronga mai i te tamanako anga no tetai au ngai tau meitaki tikai no te akono e te taporoporo i te reira au manu ora no tetai tuatau mutukore.
2. Kia marama tikai e kia tata ia te au manamanata ka akatupu ia mei roto i te au angaanga akarakara anga, mei te:
 - a. Akarakara anga i te au angaanga a te au manu e pera te au ika mamaata i roto i te tuanga e koropini ake i te pai kimikimi.


b. Akaiti me kore takore i tetai uatu angaanga tei irinaki ia e ka arapaki i te oraanga o te au mea ora o te moana.

Ta matou au Aka'atinga anga no te Tuanga Taporoporo i te Ao Moana koia oki:

1. Angaanga kapiti ki te au tuanga o te kavamani i roto i te tuanga o te taporoporo no te parani e te rave angaanga tau.
2. Āru e te rave i te au akataka anga puapinga e iva no te taporoporo i te au mea ora i roto i te TureNui no te Marae Moana 2017.
3. Tamaru anga a te Tangata Kite Pakari no te Taporoporo, tetai Tangata Marama maata/Kama'atu no te tiroiro anga ki roto i te au puapinga natura, e pera katoa te Kopapa Akamarama Tukatau no te au angaanga katoatoa.
4. Kia tau ki te au akataka anga puapinga no runga i te taporoporo anga ao moana ta Gerald McCormack i tata i roto i tana puka *Te Au Puapinga Natura o te Takere Moana o te Kuki Airani: E Au Takainga Akamatakite anga no te Angaanga Koikoi Toka*.

Te au Tangata Kite Kama'atu Takake o Teiane Ao ka angaanga kapiti mai ki to Matou au Tangata Kite Pakari

Te angaanga kapiti nei te CIC ki te Apii Tua Toru o Floridai te Tonga i te tuanga Apii anga no te Pae o te Marine Science (USA) e te Apii Tua A o North Carolina – Chapel Hill (USA), te Apii Tua A o Hawaii (Manoa), Apii Tua A o Kochi (Tiapani), Te Taokotai anga o te Puapinga Moana o Teiane ao (IMMS), Te Ngai Vaito anga Enea o Marike, Te Ngutuare Vairanga Apinga Taito o Lonidoni (UK), e pera Te Punanga o te Kimi Marama no te Pae Moana I te apii Tua A o Southampton (UK) e te tamanako katoa iatu nei tetai au ngai kimi kite ka angaanga kapiti katoa mai ki matou a teia tuatau ki mua. Ka akamaroiroi ia te au tangata kite pakari o teia angaanga nei kia tuku atu i ta ratou au kimikimi anga ka rauka main a roto i tetai akanoonoo anga kia akara ia e te au putuputu anga tangata kite i roto I teia tuanga nei e pera te katoa anga o te iti tangata.



Te au Apinga Kite Pakari no te Ta'angaanga atu ei Akarakara e te Kimi oonu atu no te Pae o te Ao Moana

- A. EIVA™ Matini Vaito i te au angaanga e tetai atu au matini angaanga.
- B. Kupenga Angai Ika no te opu i te au mea ora ei vaito i te tuketuke o te au ika e manganui.
- C. Kupenga kakapu i te au mea ora e pānu ra e tetai atu au mea ora ke atu i raro i te moana.
- D. Kupenga kakapo i te au mea ora e pānu ra i runga ake i te tai e pera tetai atu au mea ora e pānu ra.
- E. Kiri pāmu ei tamata mata i te (vai, te maana e pera te oonu) o te moana no te turanga o te vai.
- F. OSIL™ Matini kakapu tei va'i ia no te vairanga i te au akara'anga o te au ota.
- G. Nenei mānu ia ei nenei it e au ika e te au mea ora e akatupu nei i te au mea ora katoa i raro i te takere moana.
- H. Puerere Ta-tuatau no te kakapu e te vaito i te au ota e te au mea ora e akata'a ia ra.

3. Te puapinga ka rauka i te Kuki Airani

Ko te porokaramu akarakara anga i te-moana e pera te au angaanga turuturu i runga i te enua, ka riro te reira i te oronga mai i te au ngai angaanga na te au tangata Kuki Airani e ka riro katoa i te oronga mai i te au akatuera anga meitaki no te au pitiniti i konei ei akamatutu i te tuanga kimi puapinga o te Kuki Airani.

Au Turanga Apii/Tereni anga

- Ka riro te au apii anga e pera tereni anga i te apii i te au tangata Kuki Airani i te au marama ka anoano ia no te au tuanga o te takere moana e te tai moana oonu.
- Ko te au tangata Kuki Airani e kite e te marama to ratou no te angaanga akarakara, tei rauka te turanga tereni anga me kore, marama no te angaanga teretere moana e te moana o te Kuki Airani ka akamaroiroi ia ratou kia piri atu ki te au pupu akarakara e te kimi kite.
- Ka tauturu te CIC i te au tangata Kuki Airani tei anoano i te titau i te au peapa akatika anga e te tika anga kia raitini ia, pera teitei i roto i te apii tua toru me kore tua 'a i roto i te au tuanga apii no te moana e te akarakara i raro i te moana.

Au Kimi anga Pitiniti o te enua/Kimi Puapinga basileia

- Te parani ia nei te akatu i tetai au ngai tamatamata anga e pera are kimi marama no runga i te au mea ka koikoi ia mai i konei.
- Ka ta'angaanga ia te au pairere/au pai me kore vaka tarau, au apinga angaanga no te akateretere e te au apinga o te uapu.
- Ka oko te CIC i te penitini, te kai e pera te au apinga angaanga mei te au tuanga pitinini i konei no te au angaanga o te pai e pera katoa te au matoro o te pai.
- I tetai uatu tuatau tumatetenga, ka tapae atu te CIC ki te au enua vaitata mai e ka ta'angaanga atu i te au poti tauturu i reira.

Tuanga Tarai e te Peu Maori

Kua aka'ating te CIC i te tauturu i te au porokaramu Tarai, Peu Maori e te Tarekareka Tipoti i roto nei i te Kuki Airani e kua rave takere i te reira i roto i te au angaanga e manganui. Kua akaari mai te Kopapa o te Peu Maori o te Kuki Airani nei i te aka'atinga anga a te CIC no te tauturu i te au angaanga peu maori e pera te au akakoroanga apii mei te:

- Tauturu na roto i te oko anga i te au apinga akaoro, e te oko anga i te au matini angaanga no te KOVITI-19 na roto i te angaanga kapiti ki Te Marae Ora.
- Angaanga kapiti ki Te Maraurau o te Apii i te tuanga o te Angaanga Tarai no te au apii.
- Tauturu i te Pae o te Tamariki Ngata i te Tuatua na roto i ta ratou kimikimi anga moni na roto i te Oro'anga Kara 2020..
- Oronga tauturu moni ei tauturu i te porokaramu Tarai a Tavioni e te Vananga.
- Tauturu i te au tarekareka tipoti e pera tauturu moni ki te Putuputu anga oe vaka akatere o te Kuki Airani 2020.

+++++

<i>Te au porokaramu kimikimianga e te aorangi</i>		
Mataiti 1:	I'o anga marama e te Māpu anga i te CBGs, Tutau anga i te au Pai ki te au ngai i akataka ia no te ao moana e pera e te rave uatu rai i te au Angaanga Kimikimi i te mataiti*.	\$22.9M NZD*
Mataiti 2:	Akameitaki i te au ngai tutau anga pai no te ao moana, e te Koikoi anga tuatua e te rave uatu rai i te au Angaanga Kimikimi i te mataiti*.	\$12.2M NZD*
Mataiti 3:	Akameitaki i te au ngai tutau anga pai no te ao moana, e te Koikoi anga tuatua e te rave uatu rai i te au Angaanga Kimikimi i te mataiti*.	\$12.2M NZD*
Mataiti 4:	Tata anga i tetai Akapapa'anga no te turanga o te Ao Moana, Akapapa'anga no te au apinga puapinga, Kimi'anga ravenga no te Kimi puapinga e pera te au Angaanga Kimikimi i te mataiti*.	\$12.2M NZD*
Mataiti 5:	Akaoti'anga e te Tuku'anga i tetai Akapapa'anga no te turanga o te Ao Moana, Akapapa'anga no te au apinga puapinga, Kimi'anga ravenga no te Kimi puapinga e pera te au Angaanga Kimikimi i te mataiti*.	\$12.2M NZD*
Katoa'anga (NZD mirioni):		\$71.7M NZD*

<p><i>* ¹ Au Angaanga Kimikimi i te Mataiti mei te Akaatea anga, Akeri'anga maata, Māpu anga maata o te Takere moana, Koikoi anga i te au mea i kerī ia, e te au mea ka Arapaki i te au lka mamaata e pera te au Manu.</i></p>	
<p><i>² Ko te au akapou'anga/angaanga i roto it e tepere e au tamanako anga te reira tei akaaite iatu ki tei kite ia i mua ana.</i></p>	